

Digo - Wokofu Maandiko - Salvation Scriptures

AEfeso 2:2 Wakati hinyo, mwalunga mambo mai ga dunia na kumuogopha Shetani. Naye ndiye atawalaye pepho na atu asiomuogopha Mlungu.

Mathayo 6:10 Utawalao nauonekane wazi, na ulondaro rihendeke himu duniani dza irivyo hiko mlunguni.

Luka 22:42 Achiamba, "Baba, nakuvoya ichikala ni kumendzako niusira mateso chigonilenga, lakini isikale vira nimendzavyo mimi, ela vihendeke ulondavyo uwe."

Johana 16:7-9 Lakini nakuambirani kpweli, kuuka kpwangu ni fwaida kpwenu. Mana nsiphouka mimi, hiye Msaidizi kandakpwedza. Ela nchiuka n'ndaphiya nkamhume edze. 8 Naye achedza, andaahukumu atu himu duniani kuhusu dambi, haki, na hukumu yao. 9 Andahukumiwa kuhusu dambi, mana taamendze kunikuluphira.

2 Timothi 2:10 Kpwa hivyo mino ninavumirira chochosi kpwa ajili ya atu ariotsambulwa ni Mlungu, ili nao piya aphokere wokofu na utukufu wa milele kpwa kumkuluphira Jesu Muokoli.

ARumi 15:20,21 Siku zosi nia yangu kala nitangaze habari ndzuri kula kpwa Mlungu kpwahali ambako dzina ra Jesu taridzangbwemanyikana, ili nisedze nkadzenga dzulu ya msingi wa mutu wanjina. 21 Viratu nrivyohenda vinagbwa sawa na nabii Isaya arivyotabiri kuhusu Muokoli, kukala, "Atu amba o taayaambirwa habarize andaona, na atu amba o kala taadzangbwemsikira andaelewa."

Mahendo 2:36,37 Chimarigizo Petero waamba, "Phahi Aizraeli osi ni amanye kukala, Jesu yuyatu ambaye mwamkota misumari msalabani, Mlungu wamhenda Mtawala na Muokoli." 37 Phahi hara atu okala anamsikiza Petero phosikira vira, ajuta, achimuza Petero na hara mitume anjina, "Enehu, vino sambi sino huhendedze?"

AEbrania 4:2 Sino hwasikira habari ndzuri kuhusu phahaliphe pha kuoya dza arivyosikira akare ehu. Ela habari hiyo taiyaaterya kpwa sababu taayakuluphira gara arigogomba Mlungu.

Jeremia 24:7 - Mathayo 22:37 Naye Jesu achiamba, " 'Mmendze Bwana Mlunguo chikpweli-kpweli na moyoo wosi, na rohoro rosi, na achilizo zosi.'

Mahendo 16:14 Mmwenga yekala anasikiza mafundzo gehu ni mchetu yeihwa Lidia kula mudzi wa Thiatira, ambaye kala ana bishara ya vitambara vyta zambarau. Lidia kala anamuogopha Mlungu, naye wamng'aza matso na achikubali mafundzo ga Paulo.

Mathayo 13:14-16 Nao utabiri wa nabii Isaya unatimia, uambao: 'Atu hano andakala anasikiza, lakini taandaelewa, na andakala analola lakini taandaona. 15 Mana achili zao tazigbwira mafundzo, aziba masikiro na achifwinya matso gao. Asingehenda hivyo angekala aona na matso, angesikira na masikiro gao, angeelewa na achili zao na kunigalukira, phahi nami ningeaphoza.' 16 Lakini matso na masikiro genu gaajaliwa, mana ganaona na kusikira.

Mafumbo 6:9,10 - Mahendo 28:27 Mana mioyo yao ni mifu, asindika masikiro gao, na achifwinya matso gao. Lakini kama si hivyo, angeona na matso gao, akasikira na masikiro gao, akaelewa na mioyo yao, na akanigalukira, nami nkaaphoza.'

Mariko 4:11,12 Achiaambira, "Mwimwi mkaajaliwa kumanya siri za ufalume ambaao Mlungu wanipha, ela nyo asioamini andatsuphirwa zo ndarira bahi 12 ili: 'Alole lakini asione, asikize lakini asielewe; asedze akagaluka, akamuuyira Mlungu na akasamehewa.'

Johana 12:39,40 Phahi hara atu taawezere kuamini, dza viratu nabii Isaya arivyogomba phahali phanjina ariphoamba: 40 "Mlungu waahenda vipofu, nayo mioyo yao achihenda mifu. Ndiyo mana matso gao tagaona, wala mioyo yao taiweza kuamini. Kpwa hivyo taaweza kumgalukira Mlungu, akaaphoza."

ARumi 11:7,8 Kpwa hivyo ni hivi phahi: Aizraeli anji aendza kuphaha haki na achiikosa, ela ariotsambulwa ni Mlungu aphaha. Nao anjina osi achihendwa visoto, 8 dza viratu Maandiko ga Mlungu gaambavyo: "Mlungu waahenda akale dza atu achioremererwa ni usingizi, waafunga matso ili asione, na achiaziba masikiro asiweze kusikira, nao a vivyo hata rero."

2 AThesalonike 2:10,11 Andakpwedza na chila aina ya handzo kuchenga hara agodzwao ni hukumu ya kutiywa adabu milele. Hinyo anagodzwa ni hukumu kpwa sababu kpweli airema. Kalapho taayairema, phahi Mlungu angeativya. 11 Ndiyo mana Mlungu waaricha achengbwe sana ni yuya mui na alunge mambo ga handzo.

Mathayo 13:18-23 "Phahi, sikizani mana ya ndarira ya mkurima. 19 Mutu asikirapho ujumbe kunihusu na asielewe, ni kukala Shetani akedza akahala chira chichophandwa mwakpwe moyoni; hinyu ni

mfwano wa mbeyu yogbwa njirani. 20 Mbeyu iriyogbwa dzulu ya mawe kokala na mtsanga mchache ni dza mutu asikiraye ujumbe na mara mwenga akauphokera na raha. 21 Lakini neno hiro tarimenya ndani, mana mutu hiyu nkurigbwira kpwa muda tu. Tabu na mateso ganaphozuka kpwa sababu ya hiro neno, nkuricha kuamini mara mwenga. 22 Zira mbeyu zirizogbwa kpwenye miya ni mfwano wa mutu asikiraye neno, lakini mambo ga dunia, na tamaa za mali nkpwedzalinga-linga rira neno hata rikakala tarivyala. 23 Zira mbeyu zogbwa mtsanga wa nguvu, ni mfwano wa mutu asikiraye neno chisha akarielewa. Naye nkuvyala matunda, dza viratu mbeyu vyovyala masuche ga tembe gana, ganjina tembe sitini na ganjina salasini."

2 AKorintho 3:15,16 Hata sambi wakati atu achisoma Maandiko ga Musa, achili zao zichere kufwinikpwa. 16 Lakini mutu amgalukirapho Bwana, achilize nkufwenulwa.

Hosea 11:3-7 - Mathayo 11:28-30 Ndzoni kpwangu mwimwi mosi mgayao na kuremererwa ni mizigo miziho, nami n'ndakuoyezani. 29 Gbwirani mzigo wangu na mdzifundze kula kpwangu; mana mimi ni mpole na wa mbazi, namwi roho zenu zindaoya. 30 Mana mafundzo gangu ga rahisi, na mzigo wangu tauremera."

Mahendo 26:18 ukaang'aze matso, ili atuluke jizani na ainjire mwangani, na ariche kutawalwa ni Shetani na akubali utawala wa Mlungu. Nao asamehewe dambi zao na aphahe nafwasi phamwenga na ariotengbwa kpwa sababu ya kunikuluphira.'

2 Timothi 2:24-26 Kpwa mana n'lazima mtumishi wa Bwana Jesu asikale na chibako. Ela ni akale na mbazi kpwa chila mutu, akale anaweza kufundza, tsona akale mvumirizi. 25 Hinyo atu ambao anakupingani, n'lazima muakanye kpwa upole. Chahi Mlungu andaagaluza miyo ili atubu na kuelewa marifwa ga kpwel. 26 Kpwa njira hiyo andaphaha kung'alwa ni matso achimbire muhambo wa Shetani, ambaye waagbwira na achiahenda alunge mipangoye.

Revelation 3:17-19 Mnaamba ati mu matajiri na mna chila chitu, hata tamuna mutsowacho! Kumbavi tammanyia rorosi, mna mashaka ndulu ndzima! Tamdzimanya kala mnafwaha kuonerwa mbazi kpwa vira mu achiya, mu vipofu, tsona mu vitsaha. 18 Kpwa hivyo nakuambirani mgule vitu vivi kula kpwangu: Zahabu nono ya zosi ili mkale matajiri, kandzu nyereru mvwale ili mzibe vitsaha vyenu, na muhaso wa kutiya matsoni ili muone. 19 Mimi nkudemurira na kutiya

adabu atu niamendzao. Phahi kalani na chadi, na mriche dambi.

2 AKorintho 7:10 Mana sonono yedzayo kpwa mendzwa ya Mlungu nkuhenda atu akauyira Mlungu ili aphahe kuokoka, nao nkuhendwa asikale na majuto. Lakini sonono ya himu duniani nkureha chifo.

1 Afalume 18:37 - Mlungu turn heart back to Mlungu

2 AKorintho 4:4 Naye Shetani, ambaye ni mlungu wa handzo wa dunia hino, watiya jiza achili za atu hinyo asiomkuluphira Jesu, ili asiweze kuona mwangaza wa hiyo habari ndzuri ambao unaang'arira. Piya taaelewa gara hunagohubiri kuhusu utukufu wa Jesu, ambaye ni mfwano haswa wa Mlungu.

Luka 8:11-15 Mana ya ndarira hino ni hivi: Zira mbeyu ni ujumbe wa Mlungu. 12 Mbeyu zogbwa njirani na zichiriwa ni nyama a mapha, ni dza atu asikirao neno, alafu Shetani akariusa mwao moyoni, ili asedze akaamini na kuokoka. 13 Mbeyu zogbwa seemu za mawe zichimera upesi lakini kpwa vira mizi ka i dzulu-dzulu zafwa. Hizi ni dza atu asikirao neno akariphokera na raha, lakini tarimenya mwao ndani. Nkuriamini kpwa muda tu, lakini Shetani achiajeza nkuriricha. 14 Mbeyu zogbwa miyani zichilingbwa-lingbwa hata zichikosa kuvyala. Hizi ni dza atu asikirao neno, lakini anavyoenderera kuishi, badaye nkulingbwa-lingbwa ni mambo ga dunia, tamaa za mali na raha za maisha, hiphop, imani zao taziphera. 15 Ela mbeyu zogbwa mtsanga wa nguvu zichivyalato. Hizi ni dza viratu atu asikirao neno ra Mlungu, akarigbwira moyo kutsuka, nao kpwa kuvumirira nkuenderera kuhenda mambo manono."

Mahendo 15:11 Sivyo kabisa! Hunaamini kukala atu osi, Ayahudi na asio Ayahudi, anaokolwa ni mbazi na mendzwa ya Bwana Jesu bahi."

ARumi 8:13 Mana mchikala na masagazi galungago asili ya chibinadamu, mndafwa, ela mchiricha kuhenda mahendo mai kpwa uwezo wa Roho wa Mlungu, kpwa kpweli mndasagala na Mlungu milele.